

START

NASEGRÜBLERGUGGE LAUFEN 1984

Schnäggli schlütsche, Schnäggli schlütsche s' Stedtli uf...

Ä Rennstreggi in Laufe sell's gä, han'ig ghört,
wo du vo 0 uf 20 chunsch, weisch wie gstört?
Für mi als Schnägg blibt alles bim Alte,
ig fahr so schnell wie immer, ohni z'schalte.

Das mit zwänzg im Stedtli macht mir Sorge,
wer duet denn all dä Schliim entsorge?
Doch öppis Guets het's, das mues ig säge,
wer goht süscht i all die ville Bluemeläde?

„Es verleit Flügel“ seit er und stoht no uf dä Bei,
uf dere hohe Rampi im Hafebeggi zwei,
bleich sitzt er denn i dem Flugzüg – us Plastik ä Riebli
und stürzt sich i d'Fluete, was blibt isch ä Haas und e Griebli.

Anstatt me'König hei mir e Herzog, ä echte,
keine duet ihn i sinere Cültür-Bar ächte.
Doch zum lang chönne regiere und bestoh,
muesch d'Burgfröilein lo mache, du muesch verstoh!

Mit Kaffi duet er handle z'Breitebach ganz früsch,
nit mit Glas sondern Bier z'Bärschbel, hinger dä Büsch,
als Kulturmacher im Bäre, spielt er dort dr'Hirt,
warum isch er Herzog von Laufe und nit öbbe Wirt?

Muusig loose unger freiem Himmel isch dr Hit,
öb z'Laufe, z'Lieschberg, d'Welt isch so wit.
Suechsch öppis aber, wo d'Poscht richtig abgoht?
Uf Lützel muesch, zur Zyt schribe si aber immer no rot.

Bisch friener uf Laufe gange, schnell is Stedtli,
hesch sicher dr Horni gseh hogge, i eim vo sine Eggli.
Chum ig hüt wieder, viel Zyt isch vergange,
chasch numme no d'Spinne a de'Muure go fange.

S'Mamie Hanni seit: „schön fng ig's nit“,
denn s'Lotti vom Zemp: „Bliemli a d'Fenschter, oder nit?“
Im Rapo stingt's: „...und denn no die Hüng!“
So gründet d'Bos ä Hilfswerk: 4'000 isch dr'Gwünn.

Mama mia, due nit überlegge,
schnell zum Renz muesch abe seggle.
Die Schiebe vom Musig-Super-Megastar
isch dr Hit, das isch doch klar!

Ä Sogge mit Löcher, ä alte Huet,
ä Ofe, wo's scho lang nimi duet,
ä Fläsche mit Becher, numme nüt für dry,
so isch's im Stau auf Lieschberg gsi.

Spoot z'Nacht denn zwängt mini Chlini, die Göre,
„Papi, wenn baue si ändlich die zwöiti Röhre?“
Churz vor em Ziel schreit mini Frau: „s'isch vorby!,
Ig wott hei aber schnell, es lauft: „Sex änd the City.“

Es schnegelet im Stedtli, drum spring ig nit derfo,
muess schnell go luege, d'Fasnecht isch scho do.
Dr'Schliim isch chläbrig und ganz gruusig,
mir si d'Nasegrübler und mache Muusig.

Fasnacht 2005